



Մ Ա Յ Ր Ա Թ Ո Ռ Ո Ւ Մ

ՄԱՅԻՍԻ 26-ին, ԵՐԿՈՒՇԱՐԹԻ, Մայր Աթոռ Ս. Էջմիածին ժամանեց Հալեպի ծա-
նոթ ազգայիններից և Մայր Աթոռի բարերար
պր. Սուրեն Գալենտերյանը իր հարգելի
տիկնոջ հետ:

ՄԱՅԻՍԻ 29-ին, ՀԻՆԳՇԱՐԹԻ, իր թեմը
մեկնեց վրահայոց առաջնորդ գերաշնորհ Տ.
Կոմիտաս եպիսկոպոս Տեր-Ստեփանյանը:

ՄԱՅԻՍԻ 29-ին, ՀԻՆԳՇԱՐԹԻ, երեկոյան
ժամը 4-ին, Վեհափառ Հայրապետին այ-
ցելեց Հարվերտ համալսարանի դասախոս-
ներից պրոֆ. Ա. Սանճյանը, որը Հայրենիք
էր եկել բանասիրական-պատմական ու-
սումնասիրությունների համար:

ՄԱՅԻՍԻ 30-ին, ՈՒՐԲԱԹ, Մայր Աթոռից
իր թեմը մեկնեց Շիրակի թեմի առաջնորդա-
կան փոխանորդ հոգեշնորհ Տ. Հայրիկ վար-
դապետ Ավետիսյանը:

ՄԱՅԻՍԻ 31-ին, ՇԱՐԱԹ, Մոսկվա մեկ-
նեց հոգեշնորհ Տ. Եղիշե վարդապետ Սար-
գսյանը ժամանակավոր կերպով, որպես
Մոսկվայի հայոց Ս. Հարություն եկեղեցու
հոգևոր հովիվ:

ՀՈՒՆԻՍԻ 1-ին, ԿԻՐԱԿԻ, «սկիզբն Յարու-
թեան կիրակեօր»։ Մայր Տաճարում պա-
տարագեց և քարոզեց գերաշնորհ Տ. Հայ-
կազուն եպիսկոպոս Արրահամյանը՝ Եղիա
մարգարեի կրոնական նախանձախնդրու-
թյան և մարգարեական անվեհեր առաքելու-
թյան մասին:

Հավարտ սուրբ պատարագի կատարվեց
հոգեհանգստյան պաշտոն՝ Մայր Աթոռի
միաբան հանգուցյալ Տ. Կոստանդին վար-

դապետի մահվան առաջին տարելիցի առթիվ
և ամերիկահայերի տպարանի նվիրատվու-
թյան կապակցությամբ՝ տեր և տիկին Կա-
րապետ Օհանյանների ննջեցելոց, պր. Լևոն
Լիբաշյանի հանգուցյալ ծնողաց և ողբացյալ
Հարություն Պիլիբերյանի հիշատակին:

Սուրբ պատարագին ներկա էր Վեհափառ
Հայրապետը:

ՀՈՒՆԻՍԻ 2-ին, ԵՐԿՈՒՇԱՐԹԻ, «տօն սրբոց
կուսանացն Հռիփսիմեանց»։ Նախատոնակը և
առավոտյան ժամերգությունը կատարվեցին
և սուրբ պատարագը մատուցվեց Ս. Գալա-
նեի անվան վանքում, Ս. Հռիփսիմյանց
վանքը վերանորոգության մեջ լինելու պատ-
ճառով: Ս. Հռիփսիմյանց կույսերի տոնի
օրը պատարագեց և քարոզեց վանահայր
հոգեշնորհ Տ. Նահապետ վարդապետ Մու-
րադյանը:

ՀՈՒՆԻՍԻ 3-ին, ԵՐԵՎԱՆԻ ՄԱՐԹԻ, «տօն սրբոց
կուսանացն Գալիանեանց»։ Ս. Գալանյանց
վանքում պատարագեց և քարոզեց արժանա-
պատիվ Տ. Հովհաննես քահանա Մարուքյա-
նը՝ ծանրանալով նահատակ կույսերի բարո-
յական խիզախության և հանուն հավատի
մահը արհամարհելու քաջության վրա:

ՀՈՒՆԻՍԻ 5-ին, ՀԻՆԳՇԱՐԹԻ, Ս. Հովհան-
նես Կարապետի և Աթանագիենես եպիսկոպո-
սի տոնների առթիվ սուրբ պատարագ մա-
տուցվեց Շողակաթի վանքում:

Սուրբ պատարագին ներկա էր Վեհափառ
Հայրապետը, ինչպես նաև Շողակաթի վան-
քի նորոգության բարերար տեր և տիկին
Սուրեն և Շաքե Գալենտերյանները: Օրվա
տոնի առթիվ պատարագեց արժանապատիվ
Տ. Հակոբ քահանա Հակոբյանը: Հոգևոր ծե-
մարանի երգչախումբը հանդիսավոր և դաշն
իրգեց սուրբ պատարագը:

սանվեցին ներկաների կողմից: Վերջում նորին Ս. Օծուբյունը, Իր օրհնության սրտառու խոսքի մեջ ընդգրկելով թեմի ակնհայտ և գոտեպնդիչ նվաճումները եկեղեցական, բարոյական և նյութական տեսակետներից հավասարապես, ընդգծեց թեմի մեծ կարևորությունը մեր եկեղեցու անցյալ պատմության և ներկա կյանքի մեջ: Ապա Վեհափառ Հայրապետը լավագույն բարեմաղթություններ արեց հետագա առավել նշանակալից և լիարդյուն հաջողությունների համար:

Վեհափառ Հայրապետի օրհնությամբ և վերին հսկողությամբ, առաջնորդականի բացումը աստիճանաբար կնշանավորվի մեծագույն հաջողություններով:

ՀՈՒՆԻՍԻ 25-ԻՆ, ՉՈՐԵՔՇԱՐԹԻ, Մայր Աթոռ Ս. Էջմիածին հասան Իտալիայից պատվիրված մարմարները 27 սնդուկներով, Մայր Տաճարի Ավագ Սեղանի կառուցման համար:

ՀՈՒՆԻՍԻ 26-ԻՆ, ՀԻՆԳՇԱՐԹԻ, «տօն Սրբոց Թարգմանչացն մերոց Սահակայ և Մեսրոպայ»:

Թարգմանչաց նախատոնակը և առավոտյան ժամերգությունը կատարվեցին Մայր Տաճարում:

Ժամը 11-ին միաբանությունը ավտոմեքենաներով մեկնեց Օշական՝ «յուխտ և յերկրպագութիւն» Ս. Մեսրոպ Մաշտոցի շիրիմին:

Ժամը 12-ին սկսվում է հանդիսավոր սուրբ պատարագը: Օրվա ազգային-եկեղեցական մեծ տոնի առթիվ Օշական ուխտի է եկել նաև հավատացյալների մեծ բազմություն:

Պատարագում է և քարոզում հոգեշնորհ Տ. Մեսրոպ վարդապետ Անթարյանը «Որք զարեցին տնօրինարար զիմաստս Անեղին» շարականի բնաբանով, ծանրանալով Ս. Սահակի և Ս. Մեսրոպի կյանքի և գործունեության վրա:

Հավարտ սուրբ պատարագի, գերաշնորհ Տ. Սահակ արքեպիսկոպոսի հանդիսադրությամբ, Վահան Ամասունի հայ իշխանի դամբարանի վրա կատարվեց հոգեհանգիստ՝ նվիրված հայ դպրության հայտնի և անհայտ բոլոր վաստակավորների և մեկենասների հիշատակին:

ՀՈՒՆԻՍԻ 26-ԻՆ, ՀԻՆԳՇԱՐԹԻ, Մայր Աթոռ ժամանեց հոգեշնորհ Տ. Տիրայր վարդապետ Մարտիկյանը, որը երեք ամիս ժամանակով, Վեհափառ Հայրապետի կարգադրությամբ, հովվական այցելության էր մեկնել ուսման հայ և բուլղարահայ թեմերը:

ԱՅՅԵԼՈՒԹՅՈՒՆՆԵՐ

ՀՈՒՆԻՍԻ 22-ԻՆ, ԿԻՐԱԿԻ, Մայր Աթոռ Ս. Էջմիածին այցելեցին հունգարացի բանաստեղծներ Լասլո Գեյրեշը և Յանոշ Ֆուլդեակը:

Հյուրերը դիտեցին Մայր Տաճարը, ծանոթացան նրա ճարտարապետական առանձնահատկություններին, ապա եղան եկեղեցահագիտական թանգարանում, որտեղ նրանց բացատրություններ տվեց թանգարանի վարիչ հոգեշնորհ Տ. Հուսիկ արեղա Յանթուրյանը:

ՀՈՒՆԻՍԻ 23-ԻՆ, ԵՐԿՈՒՇԱՐԹԻ, Մայր Աթոռ Ս. Էջմիածին այցելեց բուլղար գրողների պատվիրակությունը, որի կազմումն էին վիպասան Կարմեն Կալեր, բանաստեղծ Բուրինը և գրող Չորբաջիսկին:

Հյուրերը Մայր Տաճարը և թանգարանը դիտելուց հետո ընդունվեցին Ամենայն Հայոց Մայրապետ Պատրիարք և Կաթողիկոս նորին Ս. Օծուբյուն Տ. Տ. Վազգեն Ա-ի կողմից:

